



**PEKELILING PENTADBIRAN
BILANGAN 2 TAHUN 2014**

**PENUBUHAN UNIT INTEGRITI
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
11 Februari 2014

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 3 (51)

11 FEBRUARI 2014

PEKELILING PENTADBIRAN BIL. 2/2014

PENUBUHAN UNIT INTEGRITI DI UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bil 6/2013 yang bersidang pada 30 Disember 2013 telah bersetuju untuk menerima pakai Pekeliling Perkhidmatan Bil. 6/2013 secara sepenuhnya berhubung Penubuhan Unit Integriti Di Semua Agensi Awam bagi dikuatkuasakan pelaksanaannya di Universiti Teknikal Malaysia Melaka (UTeM).

2.0 LATAR BELAKANG

2.1 Pekeliling Perkhidmatan Bilangan 6 Tahun 2013 memaklumkan mengenai keputusan Kerajaan menubuhkan Unit Integriti sebagai *focal point* kepada pengurusan isu-isu berkaitan integriti agensi awam.

2.2 Sistem tadbir urus sektor awam yang terbaik dan budaya kerja berkualiti merupakan landasan penting dalam meningkatkan keyakinan rakyat terhadap keupayaan Kerajaan melaksanakan dasar yang dimandatkan dan akan terus mengambil langkah untuk memantapkan integriti bagi menentukan penjawat menjunjung dan menegakkan prinsip integriti serta akauntabiliti ke arah mencapai sistem penyampaian yang lebih cemerlang.

2.3 Sehubungan dengan itu, Mesyuarat Jawatankuasa Kerja Pembangunan Organisasi Bilangan 5 tahun 2013 pada 11 April 2013 telah bersetuju untuk menubuhkan Unit Integriti di Kementerian Pendidikan Malaysia dan 25 agensi di bawahnya.

3.0 PENUBUHAN UNIT INTEGRITI

Penubuhan Unit Integriti ini merupakan usaha kawalan dalaman oleh agensi untuk menguruskan integriti dalam organisasi. Unit ini bertanggungjawab untuk melaksanakan enam (6) fungsi teras seperti berikut:

a) **Tadbir Urus**

Memastikan tadbir urus yang terbaik dilaksanakan;

b) **Pengukuhan Integriti**

Memastikan pembudayaan, penginstitusian dan pelaksanaan integriti dalam organisasi;

c) **Pengesanan dan Pengesanan**

- i) Mengesan dan mengesahkan aduan salah laku jenayah serta memastikan tindakan susulan yang sewajarnya diambil; dan
- ii) Melaporkan salahlaku jenayah kepada agensi penguatkuasaan yang bertanggungjawab;

d) **Pengurusan Aduan**

Menerima dan mengambil tindakan ke atas semua aduan/maklumat mengenai salahlaku jenayah serta pelanggaran tatakelakuan dan etika organisasi;

e) **Pematuhan**

Memastikan pematuhan terhadap undang-undang dan peraturan yang berkuat kuasa; dan

f) **Tatatertib**

Melaksanakan fungsi urus setia Lembaga Tatatertib.

4.0 PELAKSANAAN

Pejabat Hal Ehwal Perundangan, Canselori adalah dipertanggungjawabkan bagi melaksana fungsi-fungsi seperti mana di para 3.0 selaras dengan keputusan Lembaga Pengarah Universiti.

5.0 TARIKH KUAT KUASA

Pekeliling Pentadbiran ini berkuat kuasa mulai 1 Ogos 2013.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp